

山集

乾

和	書	門
二	六	三
九	七	九
九	四	五
類	號	函
架	冊	一

內	閣	文	庫
和	二	六	三
九	七	九	九
九	二	六	三
號	冊	函	架

詩

內閣文庫	
番號	和 26399
冊數	2 (1)
函號	206 120

206-120

0 1 2 3 4 5 6 7 8 9

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



加賀北岸先生著

旗山集

文政己丑春日鑄

旗山集序

淺草文庫

大凡人之蘄勝於人者。人之情也。苟
蘄勝焉。則不得不好奇。而自以為
非奇矣。是其意不在於好奇。蘄
勝之邦得已也。夫豪傑之士。於驚人
聽而卓於一可者。乃竊之乎。勉稱

旗山集

龜田序

新鑿異而庶幾哉有所植於是決
然左袒波而齷此既齷也則能排
無所不至乃自稱曰矯弊而其矯弊
也亦皆假弊以矯弊者也惡所稱物
為哉是以不免後世未人議而亦使
後豪傑復齷我也。是皆一可新勝之

齷。聒之說奇之過也。然則矯弊如何。
曰天下盡好奇矣。而獨不為奇乎。是
乃所以蕪然拔乎萃。使千歲之後。
剽目噤口。傳以為準。而不可易也。然
後見於人之特出。不與庸醜為媿。夫
近體之詩。盛唐乃詩之常者也。青

蓮之飄逸。少陵之沉鬱。石丞之冲
雅。嘉州西川之悲壯。襄陽曲江之
閑淡。其格雖久殊乎。渾厚雋永。
皆靡弗泊矣。大曆以降。變而偏矣。
有刻苦者。有寒乞者。有恹者。有
老。有拙而乏味者。有直淺露短迫促

褊狹。教索。虛弱者。有佻者。有猥
瑣者。有軟媚纖靡。如處女不勝風
者。有強獷剛厲。如馮婦嬰於負隅
者。有區別種種。頗失厥常。至趙宋
元明。其弊極矣。或以險瘦粗強為
詩。或以澁曲聱牙為詩。或以綺縟

勻慙為詩。而渾雅和平之氣拂地而絕矣。嘉隆之間。有李王二子出。應詔大曆以下諸家。鵠之以模擬。許徐之徒。從而唱之。然以其不出於真情。莫有之能續。石以表氏踵興。左袒徐渭氏。而直齋李王。其聲清而新。其

後鍾譚二子。踰其影。傳其響。灑然降而為枯槁。又極口齷李王。益出益偏。又奚常之有。自後雲間虞山之諸子。互齷而齷之。出彼入此。迄亡所歸。我邦近世。以詩鳴者。非元白則蘓黃。非李王則袁鍾及其唱之。則又皆

昂首擎脊。植尾張斷。猶之斲之弗
已。亦終亡可歸。要之假其弊以爲
獎也。夫吾斲前豪傑。而亡所歸。則
亦不免使後豪傑漫斲我也。流潦
不崇。朝致涸者。無源之輸。豪傑
不終。世來後者。無常之準。夫若此

惡所稱。斲爲我。而彼惡知已。所稱
斲之爲獎耶。又惡知使後豪傑
而復斲我耶。噫。蘄勝好奇之智
智。亦可哀哉。賀州程田伯恒。老成
於詩者也。其弟之幹。與余爲友。一
日訪余於石門。謂曰。予兄前著餅

花集又有旗山集者。即第二編也。嘗屬之余。激序於東都名公。吾未有相識者。子其題之言。標採懷投卷而去。其夕凭几搯燭而誦之。則彬々乎盛哉富矣。其體則樂府歌行。近體絕句。其格則漢魏六

代盛唐中晚宋元初明中郎鍾譚靡不畢具。而伯愼之格乃古澹也。而其直者淡者。隋者粹者清者。閑者蒼者。不敢以其質而浮其情。艷者綺者。沈者壯者。正者靡者。大者不敢以其華而剽其辭。古澹

者伯恒之極也。而渾厚篤。以淵
乎在其中。所謂偏者。蓋於此爲止
矣。然從波累乎弊者。觀之尚亡偏
伯恒乎哉。吾則弗信也。上幹以甲
辰之歲。來于東都。以儒爲業。豪邁
高志。不苟詘人。其所說亦聲天下

好奇人之所矚目。噤口。而吾所謂
常也。於乎二子兄弟。雖異事。豈
不祇豪傑之士哉。若二子因此以
矧前豪傑之弊。則後豪傑其
疇復敢嚙焉。因并題斯言。

天明戊申春三月

天東都 鵬齋龜田興撰

文政己丑夏五月菱湖卷大任

追書

不復能辨其文之真偽矣
其文之真偽亦不可辨矣
其文之真偽亦不可辨矣
其文之真偽亦不可辨矣

夫西漢之文有西漢之脈理非其字句之謂也
盛唐之詩有盛唐之精髓非其格調之謂也不
問其脈理不索其精髓而唯其字句之擇捨其
格調之模擬沾之焉自喜以為西漢盛唐之真
盡在茲此則相馬者之不能觀其天機而唯索
之于毛物牝牡之間也是天下之賤工耳且
擇捨模擬之陋如野婦著娼女之衣賤隸乘貴
人之輶其衣輶則真是也然其不類之甚得無

為人所笑乎。元美晚年頗自悔。以為西施之
顰。邯鄲之步。且謂勿令多誤後人。柰何。當時之
人不悟。屢起之。如一羣之貉也。其後公安竟
陵相踵而起。極力詆媿。以矯其蹈襲模擬之弊。
而其熿原炎心之勢亦遂熿矣。然公安俚而竟
陵魔。故均不能免後人之指摘也。惜哉。我
邦曩昔有一霸雋。起唱盛唐格調之學焉。不幸
而其說蔓延。遂徧及于海內矣。自是以後。隨波

逐浪。雷同不已。天下之作。如出一手。模擬蹈襲。
陳腐極矣。而新進後生。猶慕其殘賸不已。吾北
岍先生慨然而憂之。起于加之僻陬。疾呼以麾
之。其後一二名家相踵而起。力詆而痛駁之。格
調之學遂熿矣。然其始唱之者。則吾北岸先生。
先生實為諸人之嚆矢。後之從正學者。相與尸
而祝之。社而稷之。可也。嗚呼。隨波逐浪。滔
是也。而能卓然不惑。確然不移。如松柏之茂于

寒林而底柱之時於中流也才人之識於是乎
加於人一等矣宜乎其能獲古作者之精髓而
清麗婉雅句之作金玉之音也此其果觀天機
于毛物之外者歟謂之天下之良工固亦無不
可也

文政己丑之五月端午下

從子大田敦不拜撰

大田元貞公幹校

旗山集卷之一

北岸極田命真伯恒著

弟大田元貞公幹校

游旗山得齡字

鳥響蟬聲堪可聽千回也不厭來經雪斑商嶽鷓鴣背
嵐翠旗山鸚鵡翎枕石方知培野性蹈雲豈待鍊真形
徘徊暗記幽清地他日斯間寄晚齡

旗山歌三疊

登旗山旗山山何低海光琉璃似山色鸚哥齊山海光
景無可匹好於眺望推第一

旗山集

登旗山旗山何淺巔無嘉木立麓無恠巖顯東極珠
洲西小洲一千里程在一眸
登旗山旗山何平春伴鶴唳往秋伴鹿鳴行呼爾與
我應有因默默心契幾十春

郊行探梅

偶慕寒花白玉枝平郊十里訪幽姿雪消南落偷春早
凍滑東橋策蹇遲標韻可交清瘦鶴風流堪伴好音鷗
羅浮山下中宵夢密邇香魂彼一時

旗邨愁婦行

此詩瓶花載其草稿故誤字多推敲定之後收入此集

北邨有婦猶花期垢面蓬首稍就飢朝酌井水夕採薪

柔荑不耐獨自悲伊昔京城良家子嫁得大姓所人知
春弄煙花秋玩月角罨擲散日笑嬉只是雲情與水性
難柰無意守房帷譬之柳絮無定跡西東唯任狂風吹
誤被勾引輕薄郎曾效卓氏之所為京城天地尚踟躕
一朝潛藏北邊陲輕薄豈可托終身秋風團扇不相親
欲歸無家留無夫水面浮萍陌頭塵白壁既碎再不光
穠花已落復何新往事即今悔無益一身嘗盡毒苦辛
寄言天下好女子勿信鑽穴踰牆人
美人睡起詞和素中郎二首
侍兒無情譁笑語春閨易驚孤枕女山盟海誓猶殘耳

綉牀先晴夢裏雨惆悵揉自暈胭脂默默如癡半時許
試打相思卦得吉嫣然開脣山茶吐

思夢覺後與誰語帳前低聲告侍女一五一十非可說
含糊羞雲與怯雨豫卜斯夕歡當來枕上彷彿向妾許
起添沈麝薰衣衫博山細細香霧吐

春雨

天公仁澤總在春催花長苗物得新今茲何故寒不去
花瘦苗短愁世人羲和時上紫府訴靈霄殿裏神相聚
計較移晷何所主先詔神龍行暖雨

食蠨五首

食來須學爾橫行
一蠨何如一蠨鮮無論二萬八千錢始思畢卓非知己
只說雙螯不說全

烹得雙螯兼八足紅紅白白滿盤新請看尤物無相配
唯有青州從事親

膏紅肉白十分奇薑屑橙絲和得宜飽食不須看爾雅
縱為委頓亦何疑
水族之中真將軍執戈披甲勢離群蛻衣亦可懸門戶
鬼魅由來畏懼君

重渡芝山湖

偶值新晴候再揚舊日船遠波全似穀列樹自為屏宜
釣又宜網此崖兼此汀初來艱險甚今亦意無寧

春日即事

為是新晴風色繁騷人豈耐繫心猿自然啼鳥巧春老
次第開花媚氣暄興去登山康樂態眠來舞苑漆園魂
晚間復被詩僧逐袖手俱凭禪院軒

西郊春望

閑身追暖入郊坰頃向晴光好處停畦菜釀芳飛蝶醉
岸楊帶吹懶鶯醒數鸞流與遠沙白一抹靄兼斜照青

傾得筒醪三四盞城西十里坐徐行

春夜和歐陽公二首

暖風半夜漏牕紗寶鴨燒殘篆字斜庭院物閑人未寐
月光轉影玉欄花

春宵惱思側烏紗漏已沈沈月已斜酒盡詩腸敲尚澀
懶眠堪伴海棠花

全和蘇長公二首

鑄成坡老以黃金賞此春宵花月陰一刻休論千萬價
花光易變月光沈

人云春夜貴千金知是卜晴不下陰斯月斯花須露坐

鴨爐時復點檀沈

答某

騷雅相交二十年常期膝景疊吟肩花巒既背枯藤杖
柳岸徒鋪芳草氈舊醞春開誰與酌新芽晚摘獨空煎
調高須以詩還子唯我欲參龐老禪

登旗山二首

峻阪羊腸似江城正北岑眼馴忘好石耳飽厭春禽潔
白雲蒸岫純青海漏林閑身任閑步不管夕陽沈
靜下旗山道往來人不稀詩節親晚霽歌板雜春暉海
日殘規在風花餘馥飛懷將小女子指示暮鴉歸

盆梅落花和東坡韻三首

花乍撩亂幹欲槁曉來驚起泣且倒造化底事奪君速
天心豈知我心惱我已貯君金盆中向陽就煖願開早
何圖是齊助苗長愛顧却為君不好孤山古稱與君善
我於落英惜未掃君不見秋園紫薇百日紅比君夭折
是為犬馬老冰清之肌玉潤骨春秋無敵木與草嘆罷
幽窗又就枕夢追花魂上冥昊
顏色不悴形不槁芳神入夢笑絕倒為道爾何惜花落
恐是得非惹煩惱松喬蟬蛸同一死何論凋零有遲早
花若不落被人厭開落相改趣却好此理思想休長嗟

落英豈愛請速掃臘前又破寒氣開新香好令爾忘老
願結騷人韻僧社蜀牋趙管為我草衾裯留香眠乍覺
仙恣彷彿在晴昊
花落主人氣如稿愁極事事多顛倒一夜花神來說話
渙然冰釋萬懊惱濯風晒月夜寐遲洒葉培根朝起早
或取白石蒼苔為侍者又以勁松瀟竹充朋好不令半
星塵埃汙日就盆上殷勤掃欲效和靖以妻君酌酒默
禱月下老君若有意不棄我此後情契莫草草霜魂雪
魄誰不愛况秀臙寒先春昊

馮乙巳稿贈公幹

時幹在東都將刊行余甲辰詩稿

春來爾書少豈得無悵懊東都文物會定知修古道余
也潛海陬未辨白與皂一味作詩章其心主佛老以謂
人於詩唯在吐懷抱為此不拘束何有為此惱他捨為
瓦石俺捨為珍寶佳惡關己才己才天所造施鹽不離
人薰蕕不出草此意適道否與爾一探討新詩三十首
是為乙巳稿傳驛今已往非有意黎棗讀到得意語恐
令爾絕倒
香不賦示門下諸子
古云天壤際為一大俳場生淨與外丑種種互拈糝余
偶讀此言不覺躍起牀含飯噴滿案飲酒噓溢觴古今

好話則先得我心腸今余觀世上斯味無人嘗捨鴛爭
取驥厭臭競就香若使馬皆驥不能分其良若使物皆
香不能辨其芳大抵天下事右俯輒左昂俯者非悉否
昂者非悉臧請見尺亦短還有寸亦長若能透徹此萬
物莫相妨

暮春雨中

二十四番將盡初輕烟細雨溜堦除棟花有恨顏長重
楊柳何歡眉益舒飲癖春生催漉酒睡魔午籠誘拋書
為無時俗來相攪解道承明夢亦疎

晚春與諸子登西山二首

山傍祠陰出徑從城址分已無餘蕊樹漸有作峯雲水
昔彫心字田今刻井文逍遙幽僻境鶴唳隔江聞
除我兩三輩登臨人亦稀霞光洗晚舫海氣染春衣郊
解烟花瘦樹纏蒼翠肥栽詩當故實更使此山輝

春歸

坐閱年華如擲梭繁狂花舞恨如何老鶯猶送春歸去
啼擬陽關三疊歌

詠得落花詩十首

欲止春歸非可援落花唯使我心煩平鋪魚隱水紅沼
斜舞蝶忙風紫軒懷慙巫山行雨夢恨餘金谷隋樓魂

回頭萬樹芬芳絕，紗帳寶鈴誰為存。
飛花豈是為狂風，只見榮枯任碧翁。
一夜分身真又幻，三春褪色紫兼紅。
殘碁點罪人疑子，密網粘絲蛛誤蟲。
多少愁心難寫取，斯時總寓不言中。

江上春吹風幾番，一宵短夢喪嬋媛。
龍鍾慵出吟詩道，索寞愁看載酒村。
魚逐流英吞幻影，鳥登殘蕊吊芳魂。
不思王母山香舞，能使人間花樹翻。
為雨而飛為雲消，燕言鶯語訴無聊。
唯留葉去何攸守，遽別枝來誰有招。
鋪陌惹香驕馬足，翻樓擬態舞姬膏。
園林看換裳衣色，昨着紅紗今綠綃。

可憐塵委又泥汙，直下橫飛不顧軀。
花社三春為夢寐，騷壇一旦罷歡娛。
朱簾月挂影撩亂，錦幄風搖香有無。
今古惜情何所似，併觀妃子馬嵬圖。
霏霏漠漠舞還狂，不識凋零誰主張。
懷恨豈呼銷恨樹，招魂猶賴返魂香。
灞橋吟帽疑飄雪，永巷游鞋涉落芳。
無那與君從此別，隋堤潘縣總淒涼。
好遊林苑弔餘香，彩管華牋寫斷腸。
非管高禪能說法，暗令韻士暫休荒。
柳耆豈鬪踰躑影，薛面還成紅粉粧。
縱使如今零落盡，嬌腮艷臉不堪忘。

懶逐群禽鳴寶鈴，林林今已滿眸青。
堦隅未泮一團雪

江上乍涵千點星舟子按橈迷水路園丁擁慧在門庭
由来聞得歸根去何地送君離別亭

爛熳詩妍九十春能和詞客韻僧親已成冥界傳芳魄

猶見陽間遺愛身雨漲小溝多逐水飈吹大道半隨塵

一作兩後閑庭拋水有靈當是來余夢試問明年何朵

新

春來心與衆芳期居望林梢待幾時嫩綠疎紅嫌暖淺

融風和雨欲花滋唯看三月簇新蕊何計一朝辭故枝

愁裏賦成詩十首篇篇盡是哭君詞

再詠得落花詩十首用前韻

百英零落有誰援坐望林園意特煩不是風催紅委地

唯緣雨浣翠盈軒憂愁暗結鷓鴣舌離別偏銷胡蝶魂

花謝恨無物留世楊妃死後合釵存

魂魄尚留蘭麝風人情全惜稚和翁徒憐啼鳥嗔敲蝶

豈愛新青棄舊紅春宴遍堂鋪去毯夜游趁燭撲來蟲

無端為喜遲遲日九十光華一瞥中

紅紅紫紫既番番不見當時嬋又媛一陣狂風殘夢榻

半規斜月舊游村落神如幻空留賦湘女似真還動魂

鎮日婆娑猶有意送春盃裏巧來翻

春暮玉推香亦銷闌珊光景益無聊糟壇悵爾何須築

詩社蕭然不可招，掩戶唯今啼牖下。尋芳憶昔繞山腰，寫真時欲除煩惱。几上新披一幅綃。

雨後門前黃與汗，離枝昨夜委芳軀。似癡愁月還啼露，如夢貪歡且極娛。砌古高低唯薜在，園荒紅紫共風無。細思光景難摸得，王會當時獨善圖。

喜發將狂憂落狂，今朝帳幄不堪張。與余纔結九旬契，為爾祇烘一瓣香。塢霧牆烟非舊色，蜂驢蝶翅有餘芳。空庭自此無人訪，社裏應教杯酒涼。

愁生春服舊時香，誰有石心兼木腸。青塚埋紅偏可惜，玄亭簇白自將荒。嬌飄羅毅風前舞，泣視胭脂雨底粧。

懃對殘英為後約，枝枝切記毋相忘。

空閑紗帳與金鈴，林杪只餘松竹青。滿砌堆葩通夜雪，數枝殘萼向晨星。鉛華色脫春三月，蒼翠陰繁旭半庭。眼底悽然情意惡，譬之送友上郵亭。

送爾須臾又送春，從今與孰共相親。塔泥一尺藏芳骨，簾月千迴閃幻身。燕子初營蘭麝壘，佳人連颺綺羅塵。觀來萬物盛衰理，豈可花光常得新。

當春開落不愆期，彼此相更輒一時。豈忍今朝就凋謝，何思明歲有榮滋。送行寄語風鳴葉，傷別應啼露滴枝。吾為欲裁如夢令，故摸元曲又金詞。

附記

次韻極田伯恒落花

山中宣 字宣卿

艷葩辭華豈須接澆灌恐茲還益煩風雨殘糝鶻尖
塢林園換面月迷軒殿紅霑去猩猩血素粉化來燕
燕魂試問煙孀兼竹婢何依泉石獨堪存

樹臺一陣撩香風此日西湖泣老翁禽愬棠陰無字
語花燃竈下不焚紅偏憐盃水為舟芥悞認紗囊照
帙蟲開落唯知真宰戲淨丑任意傀儡中

嬌態天顏夢幾番春宵空檻月媛媛為雲為雨敲斜
徑乍霧乍霞悠遠村木筆色衰休染筆帝魂啼盡學

招魂稚才未習醉桃術徒使百英簾外翻

飛散江湖色未消騷魂水魄惹無聊煙嵐結社獨先
畝螺黛移文皆欲招羞貼老夫霜髮髻更追艷女柳
絲膏淺辦濃芳懸掬取罨畫鮫人數尺綃

鮮妍雨後踏還汗蠟屐齒間纔躲軀脫絳裝紺色犬
恠舞簷押石天公娛疣枝冗葉卷和曲寶靨幽姿幻
又無片片樓樓將孰為鄰僧應擺維摩圖

起看狼藉氣將狂始解乾坤有弛張水水添成千樣
纈山山薰去一般香飢魚噓浪疑投餌仁獸緣蹊恐
躡芳不識昔時張茂叟無花無妓柰荒涼

仙家不是舞山香，怎地人間傷繡腸。蝶失親知唯邑
邑，蜂迷樓止轉，荒荒何知早落刑。先發無柰衰容非，
舊糝鶯舌花神如有語，交情別後勿相忘。
樹餘枯蕊鳥鳴鈴，烟冒翠條分外青。三逕十擔降菡
雨，一窗千閃被香星。新開紫白黃紅市，均抹迂正凹
凸。庭怨婦簾中訛，含笑幾番蟪子墜空亭。
莫厭酒家舊日春，愛情元是厚於親。沈生夢幻溪頭
影，趙母醒分國色身。擅板錦帷皆長物，藤林漆卓已
織塵。而今不恨飛花去，却悔昨時斑爛新。
居常君壽願，頤期一夜睡眠暴。雨時風急泉鳴驚枕

響林疎露歷溼窗，滋擬將數朵插金甕。不有半英粘
翠枝，九錫縱須何所藥。如教楚妾用吳詞，

次韻公幹禱題六首

廿年耽隱在衡茅，接市通畦足酒肴。桑柘營生五畝宅，
鷓鴣安分一枝巢。前途已絕雲霄志，後世何來隴岳嘲。
夏木春花無所擇，更將甚物定神交。
心安全異世間人，坐話行歌自在身。苦茗迎僧閑半日，
穠花簇客熱三春。晴灣訪柳詩無氣，高嶂攀雲節有神。
城市山川皆我適，看來眼底景光新。
致身緇袞與芳樽，脫出塵籠及俗樊。詩為素鍾高壘壁，

懶因莊老遠淵源賦來詞句呼兒記釀得醪醕迎客温
坐見林庭春夏改愛他蒼翠滿乾坤

澄碧堂前竹樹林拈香閑畫坐陰陰斜暉簾面光如洗
倦鳥池頭聲欲沈且以跣趺觀水月難將嵐靄換纓簪
顧身腮瘦又顛禿特有明明古佛心

破壁頽垣是我家唯將瓶管貯殘葩充飢手摘旗山蕨
防睡唇傾桂水茶行藥常携童六七參禪也對老翠婆
夜來重點磁龜火窗紙巧描雲霧斜有茶名桂泉者余近得之

一觴留客惜頽陽俱倚小窗低檻堂翠漆乍添巒嶂態
紅殘已少苑林香雲泉入話魂先到煙月催詩夢亦忙

懶性元無他伎倆時開酒社與騷場

再次韻公幹禱題六首

矮屋低門柴與茅身安豆飯又芹肴十株栽卉花為友
千個藏書室是巢酒有癡心咳我放詩無媚骨被他嘲
一肱貪睡羅窗底長夏煙嵐紫翠交
酒刑瓶典示門人自信中郎身後身何粉荀香儲送日
狂花病葉療回春廿年空養冲天氣一世誰為護法神
四海昏沈王李毒幾時詩境又清新
計時休競逐壺樽翔鳥跳魚無網樊呆豎癡兒耕秣圃
老雞猶犬學桃源且追後野吟途熟復坐前溪釣石温

開顧醉中欣樂，趣乾坤外關。一乾坤外關，一乾坤外關。擬歸佛苑，去儒林好。漱泉邊枕石，陰權取雲烟為眷屬。真將夢幻見浮沈，塵光洗盡身清冷。隱味嘗來誰盍簪。晚榻眠醒時轉眼，一痕圓月徹江心。草鋪幽徑，樹圍家紅白，互嬌。兩葩西浦賒鮮，登年膳。東鄰請水，備春茶。風標類隱，猶棲市氣象。全僧不著裝。還恠吾身是何物，嗒然放送夕暉斜。一川瑩色，漬斜陽，偶倚枯藤下。小堂泥渚，新描蘆笋翠。風畦遠扇，麥花香結盟。鷗鷺閑而雅，弛愛蝶蜂，忽且忙。行閱景光多可賦，揮毫無意照詞場。

三次韻公幹禱題六首

江城江北數莖茅，時有問奇携酒肴。山豎葉飛勞掃逕，林禽風戰不安巢。室因生白吾增貴，篇已名玄人又嘲。厭殺世間翻覆手，閑鷗遠鶴好全交。出戶行從道路人，一藤雙屐託閑身。雲烟色悴將收雨，郊野容懼不似春。木落還生山筋骨，流澄乍現水精神。嘯歌歸去斜陽晚，妻子為供麻飯新。更愛圍棋且把樽，任心從性脫塵樊。輕揚得蹈禪玄域，容易欲窮天地源。松宇風生琴韻冷，香畦火化篆文溫。有時瞑目窗間卧，自在往還乾與坤。

霜氣染成紅滿林錦牋萬幅挂城陰斜題鴈字行行減
急輶烏輪遠速沈一斗到脣難獲句三旬禿髮不禁簪
何時料理雲庵去高卧養吾方外心
灑灑川流澄碧家春花謝盡又秋葩千回悅目欄前樹
一啜清神醉後茶短笛吹風新曲譜閑門叩月熟袈裟
踈慵攤帖親臨去不管華牋字字斜
定坐無端送夕陽何來夜色照茅堂葦編蒲竹波紋碧
窗鎖芳蘭月影香鍊佛鑄仙甘寂寞守錢買官柰匆忙
人間歡樂在知足浮世殘更夢一場

附公幹駒郊禱題六首

擬以閑生托草茅自甘野蕨與山肴身如孤鶴來雞
社居似拙鳩寓鵲巢筆記動書鄰叟話舌耕其柰里
師嘲清貧已絕紛華去雲月烟花是素交
栽柳培梅爲主人閑居全是畫中身虛牕伴靜一痕
月廢圃吐芳十畝春要聽鶯歌追鳩舌頻驚蝶夢佞
花神家憐籬外枯叢草暖雨昨來添綠新
春園陰處挈孤樽愛彼飛禽脫苦樊垂柳當門新隱
舍媯桃掩水小仙源野蛾抱絮夢魂煖鄰女鬪花笑
語溫幽事玩來只可飲逍遙醉裏別乾坤
雜花千本又爲林日午酒醒坐綠陰幽榻警眠唯蠹

袞狐爐薰席是泥沈芳籃摘去黃芽菜艷髻插來紫
玉簪兒女逢春情猶熱笑他寐寔似禪心
叢筠透屋兩三家闌外蔬畦半著葩客去獨繙梅塢
譜僧來時煮帀溪茶老蟬吐粉巧紋袞乳燕隨泥動
點茶一局手談猶未了滿窓花影夕陽斜
晚鳥喧喧送夕陽翠烟淡月映虛堂孤燈誤吐丁香
瑞幽枕時薰蕙蕊香春夢動携紅袖去騷魂或賦碧
山忙卧甕稍暖眠還覺大笑高歌又一場

林甫宅飲山中茶五首

一啜精神爽色香出乎類問君何自得笑指山中翠

蒼橋橋底水芥阪阪傍泉品水人言我茶將二水煎
斯水是何處得非二處流相和無優劣嘗來好匹儔
好泉烹好茶此意何攸比司馬配文君才奇與貌美
飲終纔就枕夢裏見茶神指我殷勤謝詩詩能寫真

夏日雨中

積雨疑天漏翠嵐溜草堂欲烹一篋茗微減這此香能
遮山野行小苑添風致露草綴玻璃烟篁籠翡翠江海
波濤惡午厨不得魚莎簾與棕笠出摘小園蔬

福水橋步月得光字

風涼川上透衣裳橋板熒熒夜有光移步不看行履跡

始知是月是非霜

少年行得十一真二首

並馬聯鞭花柳春風流一樣紫綸巾看官休問誰家子
元是羽林年少人
冠玉之顏秋水神人言祖考是功臣閑游無意箕裘業
博戲日拋千萬緡

得德卿書賦此奉寄

德卿在五中將之裔

春風分袂柰忽忙夏日披書惹思長海北烟嵐看失色
山東卉木定添光花時藤杖葛陂道涼夜華燈墨水航
白鳥君家傳故事有無和韻似餘芳

為州公新婚作合歡詩二首

洞房深夜氣如春斜下香帷展馥茵鸚鵡籠前相共默
為猜慣語告他人
三竿紅日透窗紗起上粧樓縮髻了鸞鏡新開將櫛處
郎君卧喚賜明玳

悼兄五首

與余不齒在農家阡陌混淆泥又沙塊魄縱之那離野
暮風聲咽入垂麻
貴賤從來雖異分何人謂不是連枝市城山郭空相隔
三十餘年和夢移

芝山湖上望頻迷，援筆哭君詩手題。縱有樂邦重聚首，
 一朝離別數朝啼。生為兄弟乃因緣，死後何無到我邊。今日魂兮招不得，
 只期西土一枝蓮。小苑紅花發，杜鵑正知啼。血淚成然，即今新瀉如河淚。
 血色還添一段鮮。

水樓避暑

樓上薰風不厭吹，薄紗輕葛此追隨。桐陰消暑欄堪倚，
 荷氣生涼襟可披。鷗鷺愛他存雅趣，江山促我構奇詞。
 坐來共覺宵懷爽，一陣奔雷行雨時。

為州公新婚作合歡詩二首

洞房深夜氣如春，斜下香帷展馥茵。鸚鵡籠前相共默，
 為猜慣語告他人。三竿紅日透窗紗，起上粧樓縮髻了。鸞鏡新開，將櫺處
 郎君卧喚賜明珞。

悼兄五首

與奈不齒在農家，阡陌混淆泥又沙。塊魄縱之那離野，
 暮風聲咽入桑麻。貴賤從來雖異分，何人謂不是連枝。市城山郭空相隔，
 三十餘年和夢移。

芝山胡士望頻迷援筆哭君詩手題縱有樂邦重聚首
廿朝離別數朝啼入入不長生中無山雅空味而
生為兄弟乃因緣死後何無到我邊今日魂子招不得
只期西出古枝蓮計計別別亦亦不不可可與與知知之之非非無無
小苑紅花發杜鵑正知啼血染成然即今新瀉如河淚
血色還添一段鮮

水樓避暑

樓上薰風不厭吹薄紗輕葛此追隨相陰消暑欄堪倚
荷氣生涼襟可披鷗鷺愛他存雅趣江山促我構奇詞
坐來共覺宵懷爽一陣奔雷行雨時

流螢勸韻

秋草腐爛委郊畿直經雪霜度芳菲長夏化為有光蟲
紅巾玄衣形何微星隕江堤高且低磷燒原野去還歸
金屑散處丹爐冷玉華開時碧草肥漢宮偶驚思婦扇
越溪或映媯女衣須懸一囊照書案何徵萬斛入宮闈
輕颺頻扇不能滅細雨乍洗彌增輝年年大火如有約
薰涼之交期不違請見點點明復暗巧縫霧縠烟綃霏

岡山僧房作二首

古丘松籟寂無譁歸佛從僧到水涯塵慮頓消三椀茗
道心先棒一枝花窗空西野來嵐翠榻淨東巒呈雪華

偶坐講經猶未去，踈踈簾子夕陽斜。

西天初月在松枝，韻士留連說話時。逃隱應須肥懶筋，
山河本是長吟鬚。欄頭水映懷偏潔，枕畔雲閒夢自隨。
幽討人稱佳絕境，道場何恨欠樽卮。

出郭

郭外風光雨後新，層巒半髻見雲根。蛻來塵垢汙沾世，
扮作林泉受用人。嵐迳煙延須入社，鷗閒鶴遠好充賓。
倦時即踞疲時卧，樹是胡林草是茵。

驟雨

不有驟雨奔雷在，人焉知天之變幻奇異不可思議當

彼祝融行，冷時火氣炎光烘。天地石爛金燦，毒何其人
身如病，心如醉。太山時有觸石物，帝令屏翳先出轡。風
伯為導，雷公隨。擘山揚沙走天涯，此時再下詔，赤松往
崩絳河萬里陂，奔流四溢沛然下。一洗乾坤無所遺，懸
崖千尋新現泉，平地數里變成池。雷聲激來輾鐵輪，電
光劃去閃金絲。林木蛇行不敢仰，海濤馬騰勢欲馳。更
疑大鵬翰九萬，即今乍圖南溟湄。須臾捲去何處往，西
山頽陽漏晴曦。滿堂涼氣蘇人民，一連點滴鳴茅茨。

聽山禱詠

綠野綠於水，暉暉白日斜。天能解畫意，彩色以紅霞。

右旗野晚霞

花著岡山道迂回樹樹間荷薪樵父背插得數花還

右花著歸樵

當城兼野際幽古小山峙嵐氣入松樹人行翠色裏

右聰山翠嵐

林樾見川影漁舟出復沒網來不得魚水底打閑月

右敷川漁舟

古丘鄰佛院萬籟寂無聲青松數株外日午吼華鯨

右宕丘鐘聲

茅屋隔川見暮煙裊數絲試從此路望復占萬家炊

右四町炊煙

出時細若剪團處白為堆莫道無心物能跨鞞嶺來

右鞍挂白雲

啼日烏即去啼月烏即棲深樹平常暗明夕卜烏啼

右藤樹栖烏

天日樓待月同諸子賦

樓在林丘咫尺間薰風陣陣自郊關晚霞天色開紅纈
昨雨鬢光洗碧髮興發頻銜鸚鵡嘴醉酣遞笑沐猴顏
狂歌癡舞何須去蒼底既有月影鸞

鹽屋晚眺

帆影歸來暮色流平沙汀上望悠悠紅霞碧浪施光彩
落日西天描小洲越海中

夏夜中洲看月得光字

洲晚無蒸氣天晴朗月光綠珠分露華翠帳辨烟楊流
淺嚙舩脚景佳磨墨腸打舩相共唱半夜入微涼

同子濟容夫天有君義天日樓看月席上卒賦

綠野青巒宿霧開滿天澄露夜涼來敞軒試指玲瓏月
自是君曹詩思媒

夜過竹浦三首

江上非無暑比他涼稍多况晴澄朗月入夜疊微波興

在將舟下詩成倚棹歌初知竹浦近燈火點煙坡

下流知幾里坐出鹿洲東江接天光際月懸水氣中勿

衝鷗鷺渚湏浴艾荷風著處多幽蹟一宵賞不窮

蒲浦與蘋洲更來招我舟舟追涼路泛身接霽天流岸

老楊為杖山眠霧作幙琢磨騷骨去枕藉曉光浮

秋胡行

見君僅五日別君既五年妾不迨知君厚薄君不迨知

妾媼妍五日恩情薄於繒五年孝養深似淵非帛不暖

日織機非肉不飽日買鮮萱草花底奉箕帚春風秋霜

安獨眠吁君即今歸家日縱見姝麗豈堪牽糖舌蜜脣

巧勾搭說得有金易力田一日路旁情如此况復他鄉
久留連幾處煙花幾勾欄妙妓妖童簇君前此後何保
同穴契新花被愛舊草捐婦人一德不可二不如速死
其節全

早秋雨後看月

秋到十三日陰陰細雨連雲虛二七夜月朗風霜天涼
信江先報溼光林尚全好懷從此發清曉不成眠

秋色

萬里秋容何所分天公亦不敢云云化工別有機絲巧
織出紅楓與白雲

秋聲

浙浙商聲流火天聽時非管又非絃換成風調和蟲曲
半在林間半砌邊

四時詞和蘇東坡

春花歷枝重欲落輕颺馥馥滿羅幕佳人春意在取妍
手就翠鬢插紅萼嬌桃襯臉雪被肌不分情郎是為誰
門外簌簌有人歸起旁繡戶整裳衣
午睡醒後奈日永一枕梅湯沁骨冷挂著紗帳倚涼椅
小苑陰陰雨後靜柳眉描煙翠看顰榴脣洒露紅初勻
欲移金蓮折一朵復恐牆外闖關人

怨情開銅慵梳綠暗滴涕淚痕染竹鴛衾翠窠自覺冷
獨抱薰籠銷金屋猛然聽得人叩扃連忙開戶瞧中庭
中庭無人風拂樹添愁閒堦草蟲聲
欲將輕黃安額角凍水頓使暈點薄長在煖帳溫炕裏
未知寒氣滿院落油膩漆髮黑於鴉臙脂點唇紅似霞
粧成喚取了頭輩南軒擬探雪梅花

花燭詩和公幹贈子復韻五首

炕邊背燭下羅帷雲鬢顫搖昵枕時半夜情濃衾底靜
微微私語溢雛鸞
彫檻疊肩情轉閒歷軒桃李暎嬌顏郎君手板金絲翠

為插花枝飾綠鬟

海誓山盟記兩心貌才相合意殊深自斯俱倚秦樓月
笙管吹鳴鸞鳳音

春夜易明歡尚餘紅暎規閣促粧梳嬌情欲慣文君黛
淡淡遙山照鏡書

看而不足有時闌玉削之顏雪塑膚想得前賢色為主
婦人何必問賢愚

秋夜即事

月升短塢晃林叢趺坐晴軒午夜風露咽千聲庭蟋蟀
霜飛一葉井梧桐詩新不拘調兼格景換初觀色即空

方山集
爐裏香煙相對冷秋來閑雅野僧同

秋夜寄懷公幹

碧瓦霜寒夜正中懷人千里立淒風江東幾日虛雙鯉
塞北唯今託一鴻騷思自開新月露夢魂定繞故林叢
他時試折蟾宮桂偃蹇勿為田舍翁

山居代人

晦跡山中罷愛憎隨身破席又枯藤閒行時入薪樵隊
默坐還為木石朋泉洗荒檐心自淨嵐涵幽枕夢先澄
維摩一誦茶三椀小室蕭然有髮僧

籠蟲

不得垣間草際鳴紗籠今此托餘生細翎一壘爪仁小
纖角雙舒蠶縷橫窗霽中宵懸月朗檐寒殘曉伴風清
戴琴桓笛元難類稍比興公擲地聲

九月七日風雨賦得滿天風雨近重陽

晚天潑墨滴衡茅小棟低軒雲霧交風入破窗聞鬼嘯
雨鳴荒戶誤人敲門旁楊柳腰將折欄外菊花身幾拋
知是茱萸佳節近預賒芳酒與鮮肴

秋雨夜小集得青字

秋園樹老半彫零斯夜喜君敲竹扃社裡試才闔險韻
燈前追句講騷經筠籠冒雨摘柑熟銅管避風養菊馨

不問深更城柝報，把盃俱坐舊氍毹。
清談熟處燭篝青，一雨淋漓溜苑庭。
坐聽芭蕉通夜響，盆供蘭蕙歷秋馨。
芳醪待瀉詩腸滑，苦茗如呼醉眼醒。
數箇新開文字社，自斯屢問水邊亭。

同前和容夫

鐵鐺冷水酌前川，邀客芳芽好自煎。
乍竹乍蕉風拂牖，如毛如縷雨連筵。
任情直吐真文字，閱世深嘲假聖賢。
談語霏霏飄玉屑，秋宵既到曉霜天。

同前和天有

瀟灑軒窗水上堂，博山灰死吐餘香。
三秋淋雨能延客，

五夜鳴鐘尚送觴。厭穢須顰江鶴潔，偷閒却笑世人忙。
頻揮麈尾頻前席，話話醍醐與汝嘗。

採菊東籬下

荒苑菊畦三兩行，深秋佳色傲繁霜。
枕籬花誤金鶯睡，撲檻薰欺寶鴨香。
摘滿筠籃漚不乏，折攢錫管賞無量。
叢邊時掬如珠露，豈羨南陽仙水鄉。

幽居秋晚

逝水視居諸，秋今幾日餘。
露花猶可漉，霜葉不須除。
珠綴流殘燭，鴉群批謬書。
半宵幽獨坐，鄙吝觸來疎。

楓錦詩十首

乙巳之秋九月獲南海祇園先生所賦鶯梭詩
十首讀之用事模形工不可言其格高古其調
婉麗謂之唐則不肖謂之明亦不同是則宇宙
之際天壤之間一種奇觀也與彼抵掌捧心唐
之肖明之擬者可同日而論哉余讀甘於口也
亦竊欲效顰然時屬素商鶯音不可得聽焉恐
致無病呻吟之譏故欲相抗以雁字而明人素
樊唐林諸公前已賦焉者多矣余也有耻於續
貂思想轉眄之際楓葉披錦瑤瑤眩眼因以賦
之累成十篇短才淺學非敢與祇園子競工聊

賦試才以自玩云爾天明五年命真識于澄碧
堂中

青女迎秋為主張新機暗織苑林章九旬濯出天河水
千段染成寒夜霜海晚鱗鱗霞簇彩峯晴炯炯月添光
看来是匪鮫綃類彷彿天孫雲錦裳

化工原有杼機謀林薄織紅無與儔風冷巢禽拖作幕
夜寒木客剪縫裘霞光曠色流千片蜀錦吳綾讓數篝
更為文心藻華少羨看能照九旬秋

秦川女子豈能為五彩元非管蠶絲綠變寒村秋雨夜
紅來深院夕陽時襜身假色歸鄉客酒頰羞光侍宴姬

勿比春風百花朵品題既有牧之詩

秋林製錦燦如焚照眼新奇匹匹分未假鶯梭能作綉

偶懸雁字巧迴文紗紋難類籠郊霧練色休爭出岫雲

可惜吳江寒水面緯經破裂亂紛紛

紡線啼兮絡緯鳴天工勤苦錦初成蜀江春水接來麗

楚岸秋陽曝處明紋奪織機坊女巧彩驚橘藻學生情

尋常花樣何為比史冊休誇畫日榮

巧將霜葉織三秋幾處光華頓奪眸紅緯惹經須那杼

風裁露綴補誰裘懸帆映浪吳王舫連障驕人石氏樓

物過鮮明易來嫉早看電霰打梢頭

定是春花視缺然秋來何物敢爭妍朝嵐拂霧垢塵絕

夜雨浣林光彩鮮無數斑紋收錦譜有時詩賦代華綵

衰顏相映如丹渥開鏡親疑地上仙

滿空霞助滿林緋日日宜看是夕霏水榭身凭涵燦爛

野簾手捲半光輝丁丁伐木疑投杼陣陣狂風恐斷機

若得裁縫天下美休歌金縷曲中衣

幾山幾野乍飄紅東檻西軒思不窮舞罷寒宵袍賜去

夢醒殘曉匹探空雨絲交彩孤村外水穀改紋千澗中

知與秋光相伴往望來何敢怨狂風

秋暮難何樹樹凋紛紛落盡氣蕭條寒山頽日停車客

幽徑吹嵐拾，桑樵楊子江。頭牽纜絕，越王城上戰袍飄。
高樓低樹愁多少，一抹烟昏近遠標。

月下看楓

月映霜楓午夜沈，吟簾半捲坐蕭森。紅還楓葉白還月，
山叟難判孰淺深。

又

寒月沁楓樹，出澆錦萬幅。紅經而紫緯，燦然眩人目。愛
此霜後色，不比他草木。况與月相伴，譬如朋交熟。紅紅
與白白，互來照幽獨。交彩誰所織，清光我可掬。何以對
君輩，貧家無絲肉。幸釀醪醪，大抵有一斛。飲賞賞復

飲醉則此下宿，明晨裁一詩為君可推轂。

寒村幽事多

慣見寒村路不賒，桔槔俯仰水邊家。松嵐拂屋澄曛日，
映出枇杷一樹花。
木落荒郊望寂然，寒驢閑行不揮鞭。一邨秋盡無人影，
竹外寒烟松外泉。

又得元韻

寒郊初試步，轉杖入孤村。林徑疊楓葉，水崖露竹根。槿
籬編有法，茅屋葺無煩。橘柚子登市，枇杷花護門。遠江
澄浴日，柔霧鬱封軒。石古雲紋見，壁崩苔繡存。炊來烟

氣上收罷，笛聲喧。牛馬群私語，烏鴉飢浪翻。乘榆霜悴，
路蕨菜雨荒園行。欲品題盡更如天色昏。
夜雨
先入芭蕉叢裏鳴。西牕枕葦睡初驚。弟兄千里相逢夢，
打破三更寒雨聲。

煙雨漁舟圖

望遠平江不織羅。淡山暈樹暗青螺。菰蒲半出孤舟叟，
烟雨冥冥滴一蓑。

放言

脣舌觸人諱，疎慵少世憐。雖知千古事，無值一文錢。新

立詩門戶時交酒，聖賢唯天多與我。受用好林泉。

題寒松園紅楓示主人容夫

寒松堂前松堆綠，寒松堂後楓簇紅。楓紅染霜光燦爛，
松綠秀霜色鬱葱。主人心已如此松，主人文願如此楓。
心機裁取欺天錦，豈與尋常文彩同。請君手將青鏤管，
擣藻湏做造化工。

題東林會圖應瓊文師之需

東林精舍東林遊，東林高僧遠師流。一塵所指萬人化，
津梁不疲春又秋。文師直入阿字關，盃渡北海錫南山。
文師自北海，彌天自下清閑地。置身高山雪月間。
入紀之高原

飛之高山金嶺祖述陸與常標韻瀟灑無俗腸夜雨爐邊潮
聲落曉風鼎中松韻長司馬風流後素工六法全與古
人同解衣盤礴人所稱精神已歸阿堵中君不見東林
精舍東林會會斯四人盡方外又不見東林精舍東林
圖圖斯四人盡隱徒世味不舍蛻殼蟬高吟放歌日周
旋鏡鏡對處無影象四心妙合出自然

冬月圖

霜砌冰池相映清凍烏宿起幾羣鳴天澄不讓中秋色
冬霽猶逢一夜明光轉梅花檻有影寒凝竹葉林無聲
千家誰役吟魂去達旦團團滿海城

姊妹詞三首

姊妹臨池面荷底鴛鴦鳴妹問是何鳥睽眼不言名
阿姊縫嫁衣日令妹幫手妹言奴嫁時姊亦幫我否
姊讀西廂記顧眄憚人來背後有妹聲掩帙事剪裁

偶作

寒月和霜落小檐老松臞竹入疎簾草心夜結釭飄蕊
研腹晨冰筆折尖文字令人多偃蹇居諸催我長鬚鬚
如今屈指垂三十拚去功名好養恬

方山集 卷一

北地元多雪三冬常漫漫擁爐猶隨指况敢出游觀今
茲未見霰似春少有寒提挈二三朋道遙北海干濃嵐
扮蒼松秀色滴畫巖斜景洗紫貝瑩光閃沙灘俯窺驪
龍窟毛豎足心酸峻崖與風戰千尋碎波瀾譬如彼積
雪乍崩萬斤團遠水與天逼一碧摩雲端譬如彼精玉
更無一點癥因知海三昧屬我今日看對此奇絕境勿
使酒盃乾

早雪

城頭雪曉凍幽禽百屋誰人動賞心半帳香虛花影落
孤林夢冷月光深後園歷竹時勞掃南郭封梅奈巨尋

湖寺野橋觀更好烏紗唯少塞驢吟

次韻蘇長公聚星堂雪二首

輕霰先撲芭蕉葉夜坐知風未知雪蠖屈西窗不延頸
曉起開扇始驚絕萬井齊埋不遺煙勁松欲倒竹欲折
軒集鴉兒訴羣飢地遺蝗子悲族滅朔風刺面銳於鍼
衣裳稜稜如人掣後山十里除麻斂前溪一夜失羅纈
韓公萬苦牡丹讖謝女一言芝蘭屑冷袖振來集片刻
荒庭掃去積一瞥坡老昔會聚星堂號令新續醉翁說
余亦效顰榻管藤雙腕冷冷凍似鐵
毋碗熱酒瀉竹葉扶衡寒威好觀雪雪晨風致詩家琛

真山集 卷一

粗粉林苑自奇絕松柏由來稱強頂為誰今日盡磬折
須臾酒醒遍肌粟小齋頻噓爐灰滅援筆欲做飄揚體
手龜書勢無電掣裁詩欲除比類字腸寒句律少彩纈
因憶歐蘇真英豪他人所為非所屑我今對雪攤其書
叫快數回不待警何事一東方排二公五尺童亦取話
說却甜濟南瑯琊毒未省點金還作鐵

海樓對酌

潮聲遠去海樓中偶坐盃樽興味同詠倚吟窗千里浪
狂搔醉髮一欄風月邊鐘苦僧家閣霧裏篝寒漁子篷
向曉何妨似泥態斯須各自逐飛蓬

貓

舉家愛養放游嬉屢轉鈴球任彼追引夢瓊瑜芳草苑
攪魂蝴蝶艷花籬嬌馳許捷跳攀檻驚起歌身嘯倚帷
家笑凝蹲爐畔去銜裙援帶戲春姬

次韻公幹楊妃出浴圖

賜浴華清漲池豐肌出洗滴凝脂嬌腮輕拭何依比

含露牡丹花一枝

翡翠簾開猶未垂太真浴罷面風時君王曾比海棠朵
此日花容愧已媿

歲晚書懷二首

曆頭餘幾日，愁苦是貧人。儀狄無由召，孔方不敢親。
瓶花長倚壁，架帙既蒙塵。願早迎春去，謳歌物候新。
忽忽追日月，廿九任踈頑。睡患爐灰冷，病看蠟展開。
待春同子女，過臘老容顏。游事知非遠，豫期花鳥山。

寒夜即事

冰柱垂檐，月色澄。半宵風氣作衣稜。四鄰聞窸，知人寐。
鉦響寒天，念佛僧。

次韻公幹東鄰美女歌賦示蘭陵三首

牆上窺來知幾年，一宵芳枕極歡妍。細心也恐情人意，
著柳沿花薄似煙。

寫得衷情一幅，箋情二字。字字作雲烟，封題欲寄憚人見。

潛匿袖中時自憐。

粧成嬌冶艷於花，眉畫纖楊臉暈葩。一自檀郎竊香去，

麗情夢亦入西家。

歲暮

駒隙忽忽歲月殘，疎林廿九欲偷安。詩成帶有千金思，
神逸官無五斗看。北陸冬春埋霰雪，南枝遲速在暄寒。
前溪汲取水間冰，石鼎煎茶坐竹湍。

山中宣卿和余落花詩十首，併手牘見贈，始通也。

先是弟公幹與盟於奚疑塾，與宣卿周旋三年矣。

因賦此奉寄二首

一堂把臂更難期，祇喜峨眉勝故知。
 千里將君裁雪手，十篇和我落花詩。
 心肝似水清看底，文字如雲湧作奇。
 北海非無羊角起，懶張弱翮翰天池。
 想像清揚奈各天，風標韻致弟曾傳。
 月浮牛渚絃歌舫，花醉烏山詩酒筵。
 三載許交肝肺底，一封通簡雁魚前。
 同盟須共討王李也，恐祖生先著鞭。

丙午早春人日立春

疎材三十又何為，半要禪機半要詩。
 壁上香薰龐老像，几邊帙亂石公辭。
 千家餘臘風煙淡，廿雪埋春花鳥遲。

寒氣未堪行樂去，敝裘塊坐擁爐時。

丙午初度 正月廿五日

生長清時年浪過，且欣三十得閒多。
 人間無用唯還我，世上有為須任他。
 曙色鶯寒梅塢雪，晴光鷗暖柳灣波。
 野行蠟屐江行艇，領取風烟入放歌。
 風信城頭知幾番，乍陰乍霽變寒暄。
 閒中未免吟哦累，病後漫除禮法煩。
 時被鳥迎過野樹，偶因花慕滯山村。
 年華改處逢生日，兒女相歡語笑喧。

雪泊二首

一江風雪憚行舟，先夜津頭爭泊投。
望見雁汀鳧渚色

又為蘆荻滿花秋
雲析月痕低在蓬
稀疎片雪滿江風
應須煖酒防寒氣
乞火時過鄰艇中

早春即事二首

風雪連朝吹敝廬
芸窗相映獨看書
荆妻為報春醪熟
一尾時賒白雪魚

海北春初雪片翻
韶光無改使人煩
風風未敢傳花信
二月中旬定一番

旗邨歸路即事二首

鳩婦山邨報晚晴
杏花出洗日初橫
平田直指江城路

時見春駒驕不行

田間小瀆水流斜
晚色晴開浸彩霞
三五相偕城裏女
芳籃來往摘芹芽

春詞二首

曉雨牽風入畫樓
冥冥香霧日光幽
黃鶯提覺愁人夢
柳際花間啼不休

夢時在迤覺時遙
千里江東魂易銷
已是春風三載別
池塘忍見草抽苗

春曉二首

樹洩朝暉窗紙溫
花花呈影誤將捫
春慵不起醒還睡

鄰苑鞦韆打得喧
非醒非夢懶魂迷
黃鳥如呼枕上啼
起倚勾欄風尚冷
曉烟吹在一川西

春日郊行二首

為憎城市羨塵埃
扶病輶逃郊外來
近遠湖山傳畫訣
紫紅林薄作詩材
鑿迴花驛風先報
舟入柳汀煙乍開
此日不須容易過
故追帘影買芳醅
春色熙熙日色融
微醺曳杖古橋東
草柔兒戲芳塘上
花媚客游蕭寺中
雲版報晴過綠野
風箏乘霽貼青空
逍遙獨放幽觀去
興味行行不敢窮

牡丹後視圖

猛獸眠將美名花
笑亦深偶茲配淨
旦畫思演千金

齋中偶題

濃綠深紅二月天
撩人好景欲來纏
纖曹風颺柳添態
嬌頰雨前花益妍
宜設酒刑防客訟
擬挑茗戰破僧眠
即今閒事吾為政
世上豪華付少年

春夜訪林父幽居

幽討幽居水一方
雨餘塔苑轉蒼茫
梅香通坐風消息
筠影登窗月主張
酣飲又添新放骨
微吟聊索舊詩腸
社中素有歡娛地
失路從來匪可傷

春寒

三月尚淒然使吾簪瘦肩護顛唯皂帽托體獨青氈花
怯開無力鶯愁語不圓頃來頻長懶入寢夕陽先

問天有病

病是尋常在重輕顧若何雖云孤水石不到癢吟哦窗
旭花光暖苑風鶯曲和時添騷士訪枕上趣翻多

小齋二首

小齋叢竹匝蔭蔭欲催眠喧寂風還往煖寒雨後先夢
如禽喚起閒被客來纏強坐披緇袈南華一二篇
嗒然和客對簾半朗斜暉蹲砌猫何覘黏花蝶不飛失

因豫計事得在盡忘機欲見蒙莊道應須齊是非

山寺晚晴

鳩雨報新晴晡天入化城磴苔沈溼色雲磬放乾聲花
鳥春標韻烟霞晚性情轉眸來過野一半落暉明

春日泛江

桃花春水漲一艇蝕波飛漂蕊戀追棹垂楊媚摺衣鶴
翔恥古瘦魚躍誇膏肥十里開佳景渾非詩思違

詠鶯

輕態遷喬日巧喉處處鳴睡帷鑿懶夢歌院奪嬌聲三
月春賓客千林花弟兄殷勤求友去憐汝最多情

方山集卷之二

贈嵐林父五首

身同潛孔蠹居比借巢鳩窮達渾歸命烟霞定管愁欄
前花月旦爐裏茗陽秋閒事纔消日猶云勝楚囚
游曾同竹馬業已共詩書一旦連馳騁廿年異卷舒
松風觸急崖草日輝疎浮世轆轤似社盟終復初
新社兩三人幽尋情家真話多常入夜詩治不離春步
曲從花徑坐添貸鳥筠衡門無路出幸免被埃塵
文字逢他忌馬牛任世呼勿求今臭味直入古規模
光自月之骨色於花是膚個中看破去子也庶幾乎
不朽縱無意樂唯在此關腕神移水月照幻吐雲山潛

匿軒窗底往還天壤間勉旃窮約日稍足解愁顏

春下西江

北嶂南巒互競妍斜陽影裏下清川會風飛燕安還往
應煖開葩同後先白鷗烏藍汀起角層菘疊麥隴揚連
春光與我寬家否殆使騷魂酒魄癡

春日集雙柏園

園幽佳樹美筠中勝席新開春欲融鶯嚙燕喃皆薦飲
玄心詩意各相通寒淹還得連朝霽花綻渾關昨夜風
半日忻歡喧開外斯間坐覺世機空

西山望小洲

真山集

卷之二

九

小洲我識荆多見之海中一日陟西山容顏覺不同沙
巒負彼出遠遠如馬駿時已春之晚烟靄澹相籠人道
是何山我意先會通特立高士韻幽艷美人風逸披雲
褐薄媚纏霞錦紅除彼是為何笑觀倚芳叢

雨中春盡

芳林香苑看成非濃淡烟中花絮飛春去無關連日雨
偏因鳥喚不如歸

送屈某之登州

社中之人適他鄉者二家
弟一其皆饒之天日酒肆

送君亦自北郊隈祖席須於酒肆開語及加餐催去騎
愁當分袂罷斝客程身伴啼鶯往孤館夢和斜月來

聞道登州懸蜃氣海天慰眼小蓬萊

初夏即事

竹軒春後翠光清羸弱時欣披袷輕苦茗代醪微醉到
芸編充枕午眠成魂追殘蕊芳園色夢缺鳴禽新樹聲
日影猶高馳帖子又招朋好促郊行

閒居禱題四首

敝居除俗累長夏靜還清參石嘗禪味眠花懷治情恠
我身懶惰拙矣世經營近摘茶芽去爐忙折脚鐺
送春還逐夏稍愛變風光山氣脫酸腐樹容欲老蒼列
莊能適性蟲鳥不登方閒會自然趣日長夢亦長

官賤身翻穩心安病亦輕好詩綠夢得大道自閒生山
衲觀藤架隣荆贈笋羹一簾含夕日稚子印香成
又如抱甕叟灌溉寄生涯園蔭育蒼霧池澄鑑白沙杜
鵲啼血樹燕子化身花月令新修得不工慵點加計
天有諸子邀飲河崎

兩岸薔薇與水揚沙開礫圻一川長碎銀閃浪魚鱗影
殘粉粘衣花蕊香兒女相和頻度曲主賓既醉強傳觴
庖厨時有舟飛送晚色留連也不妨
夏日漫興二首

夏堂雨歇晝如年日影穿簾水影鮮割愛圖書須一擲

效慵楊柳欲三眠抽林新笋常登膳入市香魚不計錢
飽飯孝先無所事藜牀起卧鼓便便
郭北筠叢塵不侵衡門特許野僧尋蒼花歛應棋聲墮
堦蘚都和簾影添單葛牽涼閒水上匡林避日小庭陰
討論未了維摩品山鳥先人默似瘖

夏日與子濟智卿子條容夫天有汎舟遊鹽屋浦
登烏子巖還抵鹿嶼飲萬法院次第得詩三首

占日共為西浦遊新晴歡笑下長流舟鮮錦帶花千樹
網閃銀鱗鱗二頭湖寺老僧聊解敬水邨稚子盡能游
風和浪穩供行樂港口移樽小滯留
時錦帶花盛開舉網獲鱗魚二尾

海上仙巖豈易登，蛇行鱗步意兢兢。望馳遠港眸生霧，立俯懸崖骨插冰。珠域草花名不記，競風松樹力無勝。余非啻果探奇思，一半壯觀頌友朋。崑山得異草二種，地多西風，松皆東

不用逢漁懇問津，鹿洲自昔往來頻。湖光釀碧湛欄外，密色分晴迨海濱。堪數後先蓮浦艇，欲呼咫尺葦埼人。滿眸風致皆瀟洒，一洗城中萬斛塵。

土旺日賜觀七星水精引星如露又似螢火我侯風流多雅事，由來尤嗜米家風。奇石異壁積為堆，或盛囊中或櫃中就。中水晶，北斗星嚴然排列出天

工貧巨祿文廉武，破合併金輪光玲瓏。天下奇寶何依藏，古錦為囊銀為籠。古稱隋珠與趙璧，此物今當爭雌雄。土旺之日偶引見，賜觀赤璋又黃琮。宸後捧出錦囊朱繩溢，霞紅右手啟囊左手籠。六月團雪下碧空，徑寸盈把照一坐。仰見晶瑩眩雙瞳，豈圖巍巍天上星。山石英裏忽現形，坐訝仙人玉掌露無誤。孫家紗囊螢君不見，漢使乘槎犯斗牛。仙風道骨非尺流，吾曹更無丹換骨何幸，今作靈霄遊。

秋夜中庭即事

石枕支頤石榻身，中庭欲趁夜涼新。竹間滴露松間月

無奈蚊虻來惱人人 且老且病且無家人 問西窗下

宮女圖五首

紅蕉花下翠蛾顰夜宴將闌扶醉人乘月竊窺垣外去

生憎小犬吠虛頻人 且老且病且無家人 問西窗下

女奴相值笑凭肩厭聽連宵管與絃欲說心中俱顛眊

金籠鸚鵡未成眠人 且老且病且無家人 問西窗下

便面携將下玉階嫦娥似我有幽懷欲除白露攀花朵

也恐蛛絲纏鳳釵人 且老且病且無家人 問西窗下

手支紅頰玉欄頭細語含糊俯水流舊歲題楓葉去

不知果到世間不人 且老且病且無家人 問西窗下

深宮宴半罷笙歌了髻出扉何處過新寵佳人按新譜

應須前殿取雲和人 且老且病且無家人 問西窗下

江村雜興集唐

長嘯開巖扉李白 清連曳水衣杜甫 野花成子落殷遙

霞彩映江飛張均 一路經行處劉長卿 孤舟人事稀劉

商風流有佳句李嘉吟 好送斜暉劉得仁

全集明

沙岸青春雨何景 桃花古渡昏顧 艦移頻至張時

鄰少不成村徐貴 茭葉遮城壘袁宏 山光入酒樽張羽

自無乘祿意楊基 野客共盤飧袁凱

自夜同子濟天有遊旗野

新涼入夜滌襟頰閒侶後先過北原山靜轉陰斜月在
燈遙漏影薄煙村邁心玄曠鍊詩思放目游觀挽醉魂
何必桃花流水地逍遙到處別乾坤

無題三首

欲向晨窗整鬢驪春樓屏薄曉風寒銀瓶叩凍臨金井
羅袂拂霜憑玉欄插頂徒憐雙舞鳳鑑形唯怨獨飛鸞
纖葱粧罷殷勤盥水脫爪紅盤裏丹

閨愁萬斛上眉邊扉鎖金魚強就眠恩既春晨霜與泮
志猶秋夜月俱圓移山愚老蒙神助填海癡禽受世憐

守一不違身自潔無蘭無蕙極芳妍

夢殘難跡枕徒敲金帛香消亦幾時世上少人求駮骨
宮中多女妬蛾眉夏枯草已無逢熱夜合花當不解悲
薄幸深恩非所著燭前爭劫一枰棋

十四夜聞諸子集林父宅賦寄主人

用林父
秋夜韻

江上噴雲滓碧空悲歡乍換霽陰中聲沈鐘柝霜千屋
香滴芙蓉露一叢北岸浣來新月色南樓擬得古人風
清光連夜直連賞浮世休論途動窮

中秋詠懷五十韻

月明新斲玉星少已殘棋後閣携樽至前楹以毯移熒

癸霜結砌點點露浮籬甲乙敲奇石高低亂古藁樹容
癯似鬼花貌艷於姬郊野全收霧江湖偶送颼雪塔蹤
且試冰澗掬還疑海霽峯螺脫巢寒瘦鶴悲蟻城分闕
關蛛網辨絲絲透隱奔山魅徹幽驚壑螭舞娥成遠術
棲兔涉衡欺秋至占良夜更深惜少時那文同謝賦誰
醉擬山羅霜杵開華絹風荷覆屈卮蕉心抽綠管桃實
扮臉胎蟋蟀窮愁語芙蓉酣醉姿林輝鳥翅沼閃
魚鬢藕折纖牽線草枯尖立錐微雲懸玳瑁遠水捧玻
璃觀了高禪性燥來騷客脾登航跨騎好晒宇倚欄宜
仙子手能取故人心定馳偏娛縱筆軼暗取浣溪施霽

截綃千匹堂除燈九枝孕身聞兔異喘氣見牛癡扇在
班題字鏡懸張畫眉花開光射眼粟起冷侵肌藝苑千
年興名家萬首詩游申風月令劇擇宋元詞竹瑟無調
響松竿匪譜吹蕩郎按韉見怨婦隔簾窺曉落知人惜
秋清疑帝私仰觀浸骨淨露坐溼身滋清彩催傾帽爽
涼警換締檣煙張翠帳池浪疊青帷身逸逾章綬興濃
勝醞醞佳詞令子錄古硯喚童持嘯發非追賊酒催為
賣蚬墀壇糟可築膏臆筆將摘親訶成醺甚妻疑就寢
遲即今忘學淺汲古欲辭奇彫刻肝兼肺撫摩鬚又鬚
儻逢時勝絕不取語支離輕俗容他訕煖寒許自知狂

吟壺破碎凝望漏逶迤蘭真今無在藻光古可期拈香
添鴨背咀句倚烏皮絕望蟾宮桂追踪角里芝懶緣多
病長豪為屢窮衰唯取春秋景獨為諷詠嬉

寫懷示社中諸子次前韻

人心如插刃世事似圍棋唯以偏生故不隨時俗移起
牛時觸壁走犬動遮籬纔守三間屋深關千歲蓊釀醪
歡有客丸藥苦無姬鐵笏支遙嶂葛巾側遠颺古賢應
須法往聖復奚疑雖乏存心術欲除撫髀悲身元非廟
器學漸累機絲耽藉期魚蠹作文取豹螭葵心傾日落
苔髮奈霜欺苦憶墟篾日偏專歡樂時偶顰康樂屐未

效習池羅椿底趨聽禮萱前携奉卮相俱為切琢匪若
畫油脂鴛隊殊騏骨雞群昂鶴姿坦途何展足涸轍豈
揚鬢潤氣山中璞銳頭囊裏錐藻排西蜀錦器歷大秦
瑠擇地奔南北求勳銘肺脾窮陬非所好都會欲占且
鷹飽冲天去馬驥逐電馳爵羅何處設羈絆無由施同
被初分被連枝乍別枝翩翩舒羽翼惻惻益情癡已聽
逢青眼元稱是白眉歲年頻改望寒暑幾侵肌夢絕池
邊句歡生社裏詩弟行虛好語君在見佳詞華彩人文
極聲音天籟吹曹劉門可入李杜室堪窺篤學無端異
多才有帝私詞林吐光艷藝圃發榮滋咳唾渾珠玉句

方山集
章盡繪締螢曾輝夏牖雪昔照冬帷交似之他射直非
微畝醯蕙蘭更挹取盃酒互携持彥會橫琴瑟勝游擘
蛤蜊五行眸裏下萬語拍邊檠燭剪爭才氣磬鳴試速
遲棘猴還此巧楮葉讓其奇月底吟叉手花前歌撚鬚
滿城人擾攬萬事行乖離貧富為千恠求容忘四知豈
思雲變易誰歎水逶迤田海非難改松喬不易期性靈
蛛結網死喪豹留皮願委心騷雅况同生玉芝修斯總
角好慰我病軀衰世味休懸嘴長將風月嬉

秋夜旅情

秋風吹樹撲牕櫺客思紛紛古驛亭兩地并明天外月

一身何定水中萍家書燈閣看能暈旅夢衾寒結復醒
屈指前程幾千里半宵平影淚先零

登南山

遠涉南山山氣佳雲間樵徑一弓斜松根纏石都為蘚
柏葉經霜半似花渴索泉流林漏影迷呼伴侶谷傳訝
吟行不盡千重嶺坐惜歸筇背暮鴉

南山逢雨

重游記得數株松曳杖濃嵐蒼翠中地邃幽禽警閒寂
天陰遠落入濛濛湧雲千嶺低吹白行雨秋林淺浣紅
下盡羊腸時仰望後人兼影在虛空

次韻梁蛻巖先生詠菊效徐文長

植菊為畦又作義扶莖
兒子縛花翁春時退舍慵
爭霸秋日登壇雪出膝
厨下將身殉麴蘖佛前歸
命伴袈裟逸姿一得高人目
價比江梅不減哉

中代野口號

田疇行樂曲城遠絕塵氛
水底游螺篆天涯征雁文邨
連遮有樹山缺補無雲
小息寒松下柔嵐來著袞

贈某

翰墨無於流俗干因知爾
我得名難友朋僅似晨星數
肝肺遞為秋水看何慚
世間多指摘唯愁社裏少交歡

東郊酒肆

指天

西洲寺

指鹿嶼萬法院

幽討不妨風露寒

和某巷邊散步之作

流水環衢咫尺間
烏藤遵渚出松關
坐漁聲寂幽筠岸
拳鷺影寒枯菼灣
橋晚身邊風帶
乃川澄脚底月成彎
故人低唱斯時意
領取乾坤一味閒

散步

江晚鷓鴣處處飛
滿天寒氣刺人衣
一條水靄曾無影
十字街煙燈有輝
馬熟邨蹊馱醉去
僮賒市酒放歌歸
顧身清世游民似
鷗鷺新盟閒月磯

高山禱詠三十首次公幹韻

高山落一桐，彈罷坐微風。無人知我意，簾半晚霞紅。
石渠磨墨濃，繭紙展千重。適得新詩賦，一揮走筆鋒。
蕭竹蔭閑窗，蔭深列翠幢。區區陳綠苦，暗時或舉寒缸。
香風落夢時，覺後意無疑。枕畔花瓶側，折荷餘細絲。
高梧明月輝，冷冷透寒衣。晒簷猶未寐，霜氣侵牀幃。
窗底一酣餘，倦來時擲書。去拖小溪藻，布置護盆魚。
家古且門蕪，馴虎轉戶樞。微風掠仄上，翻撲插花壺。
連雨苦堦泥，休行簾幕低。晚來初卜霽，近里老鳩啼。
斜陽可半街，暖帽出蕭齋。昨雨前林苑，紫紅錦晒堦。
一鶴江臯來，涼天唳數回。鴉頭去無跡，鄙吝忽寒灰。

詩除時世陳，彩色別成新。他人象耳目，獨欲寫精神。
秋雷聲似蚊，灑墨遠山雲。暗覺宵懷爽，詩情入十分。
楓樹紅低軒，荔蘿翠覆垣。霜枝吟可倚，露蔓嘯堪捫。
負俗一瓢輦，不憂貧與寒。唯解看書樂，服來熊膽丸。
鷺隊碧天斑，影沈折葦灣。偶過古橋上，幽賞頓忘還。
林屋罷鳴蟬，野花也謝妍。夕陽金暈水，秋竹綠沈煙。
獨坐真無聊，雨敲一樹蕉。團茶手自試，爐火幾時消。
既送燕辭巢，又有雁締交。沈思時讀易，觸物解交交。
風葉響蕭騷，讀書夜焚膏。窗白時起見，喬松響月高。
城東觀鸚哥，我奈鸚哥何。慚無物答汝，為裁鸚哥歌。

城市日喧譁，適過霜送斜。行恐披裘冷，先尋帘影家。
 洲風鳧雁塘，枯蓼扇餘香。遠嶂萬重翠，平湖千頃光。
 寒枕夢丁丁，筠窗曉已晴。昨夜近鄰裏，分明壓酒聲。
 潮漾蓼兼萍，雨來蠃氣腥。一蓑扮漁叟，暮上釣魚亭。
 十歲證三乘，話來調葛藤。一夜精舍雨，燈下伴山僧。
 好客似虛舟，相迎摘石榴。先見何枝熟，天淥霜露秋。
 寸碧白雲岑，望中幽趣深。縱令名利客，有意擲纓簪。
 月傾鼓報三，天色碧於藍。竹外寒檠細，鄰家有夜談。
 逕荒霜露露，詩成行口占。慙慙撫庭樹，月既在蒼巒。
 畫屏淡且黯，茂樹與幽巖。猿來風雨景，颯爽滿衣衫。

冬日遊天日

適逃飛紫萼，紅塵便放山。心性身松路，濃嵐衣上冷。
 竹亭斜日甕，中春天低雲。影偕僧靜雨，歇巒容對客新。
 木葉凋萎草，枯槁寒郊却。寫景光真，

夜訪金龍老和尚隱居

北岡禪院認燈光，露滑行勞苔磴長。遶麓流和敲磬響，
 棲窗雲帶煮茶香。鶴鳴半夜寒松月，人拂滿林秋葉霜。
 講罷楞伽諸幻滅，對君疑是泛慈航。
結一作衣襟
習習入清涼

南山有老魅

南山有老魅，蔽身南山雲。譬如鼠在社，又比狐在墳。發

蹟恐不仁重社恐俱焚是以逞凶惡魅人日紛紛鄙我
彼細人喜與渠為群夜出迷婦女畫出害耕耨寡婦與
孤子涕泣一如蚊明我君子人一目分籓薰驅魅鎖深
洞一朝拂妖氛駕言涉朝野四顧歡聲聞

擬古離別

游子何依徂飄然輕別離分手如昨日行邁渺天涯日
行百里餘心覺猶遲遲明月三回圓乃知萬里馳耀耀
芙蓉英鬱鬱楊柳枝再木日以榮情意日以悲被衾恩
愛絕為誰施膏脂思君令人吁會面未有期

擬李都尉

歡娛猶未飽復迨離別時執手立河梁踟躕意淒其晨
風不可跡浮雲安可追行矣難久留相思豈有涯音容
從此絕黃泉以為期

擬班婕妤

齊統制華扇剪裁團於月面畫鴛鴦鳥交頸不相別與
君時搖之有風消炎熱唯願夏時長玩弄不敢歇若有
涼颼起中路恩情絕

擬陳思王

壯哉我親皇新營鄴都城排雲連雙闕摩天抽金莖溝
渠湛碧水第宅輝朱甍遠揚神武威天下盡息兵臺上

散黃金敬禮來羣英美哉四海士負笈入王京矯矯鸞
鳳姿彩色如織成念彼二三子與我弟兄情日夜極歡
宴共俱樂文明清夜在高館水陸紛縱橫月出照坐隅
涼風颯送聲金壘酌不盡時或奏竽笙音響一何美中
情涼且清親交頹比水不願甘如醴聖人以同心譬諸
秋蘭馨敢請使斯心黃髮無相更

擬王侍中祭

漢室方板蕩董賊擅跋扈伊洛殆丘墟宮闕棲豺虎嗟
余恐厥禍行邁不厭苦秣馬薄楚地遵彼大江訢日暮
流波激迅風當林怒狐狸失舊丘鳧雁迷故浦露下衣

襟冷獨夜淚如雨回首望故鄉雲霧無所覩情結何因
伸絲桐豈忍撫幸有英雄起馳騁清天宇天子託征討
授之鉞與斧離心自瓦解海內歸神武赫赫聖朝內名
臣不暇數思我羈旅人猶幸得免瘼豈圖春陽澤周施
及奴虜紫陌徒飛蓋朱堂列紐組見眷良過分豈不盡
肺腑殊願我賢主巍巍高今古克配文武德永受天之
祐

擬嵇中散康

老聃說無為五千闢妙門莊周悟自然齊物歸一元縱
令雖後生其道豈不尊昔憑毋兄寵多違師友言遂任

己所尚，今此褊心，存顧服世，上務越行，北車轉棄去，希
太古，窺彼道德源，漸斫利名幹，未斷簡傲根，遠攀蘇門
山，有人姓為孫，露食又霞餐，鸞舉且鳳騫，飄飄乘紫煙
時欲朝天闈，損我不肯言，長嘯淨神魂，嗟余得能儔，大
道可細論，豈圖真龍性，不敢交蛇虺，惆悵歸來後，至人
不可諉，庶幾勗將來，守莫脫籠樊。

擬阮步兵籍

邯鄲欲學步，匍匐不能起，楚宮欲細膏，漸漸至，餓死悠
悠輕，薄子彼是莫底止，君子守其常，俯仰畏瘡痂，固岑
秀青松，汀渚長蘭芷，物皆得其所，終身慎攸履。

擬張司空華

素月窺薄帷，淒風入空房，援琴猶未調，中情暗先傷，所
思不可見，迢迢天一方，誰以在歡短，還換居憂長，桃李
易飄風，蕙蘭不堪霜，思彼輕別人，安知減容光。

擬潘黃門岳

妖華與風去，復覩明春期，穠葉從霜落，猶待來秋時，泚
儷歸黃泉，音容永別離，如彼狂飈，暴忽裂連理，枝明月
何皎皎，照我空林帷，念此入故房，盒裏餘粉脂，衣裳委
塵埃，唯有肌香遺，帳中欲返魂，魂返一何遲，就枕寄夢
寐，衾寒夢亦希，未得莊周達，徒抱荀倩哀，整駕上東臯。

東阜墓壘白楊夕風動薤葉晨露滋徘徊撫碑石一
哭淚如絲欲去猶踟躕厲心強上車仰羨雙棲禽俯羨
比目魚車鳴墓已遠不覺反故廬願得諼草花言樹之
堦除

擬陸平原機

駕言辭棄梓行游赴洛濱顧我希世意時網已嬰身孤
獸離林薄一鴻去汀津感物望故鄉肆目不見親既悟
游官惡速征還無因廣川為羈旅承華為官臣治服遵
銅輦劍冕麗且新雖無凌雲翮夙志略得伸日月一何
速網繆三易春唯有懷歸念寤寐為悲辛

擬陸清河雲

春花難為色秋蘭難為芳君今在京洛京洛妖冶鄉姝
子多傾國婉婉如花粧臉腮襯嬌桃膏支裊纖楊美目
通情意妙舌帶笙簧如雲出東門粲粲衣與裳能息行
徒足能斷觀者腸君本盛德士不為風絮狂萬里遠眷
顧尺素問空房得茲不棄言感泣一何長縞衣與綦巾
昔樂願勿忘

擬左記室思

許由避唐堯接輿笑孔丘角里商山隱子陵嚴灘游由
來草澤士高潔光千秋鬱鬱京城內赫赫王與侯朝受

加錫詔峨峨綴冕旒夕值逆鱗怒哀哀吞吳鉤吾希四
賢蹤蕭然逃怨尤一枝棲有餘滿腹無他求晞髮太華
巔游心蓬瀛洲

書擬劉太尉琨

范蠡相亡越吳忽絕血食樂毅將衰燕齊唯保即墨興
國且報仇二子有大力今也遭陽九城闕生荆棘地使
氛霧橫天使日月蝕赫赫我神州傷復非舊域咨余雖
衰矣冀盡人臣職中夜聞雞起馳騫不寧息愧乏古人
才未能殲逆賊秦趙樓妖魅幽并居鬼域一望四疆壘
慷慨淚沾臆苟能竭己志功名豈難得唯恐疲鴛質中

路致顛踣顧報英俊士相共成羽翼天扶忠貞堅再有
輝晉德

寫懷

文章關氣運自有敗興時護老推王李愚夫歸柏廡唐
守割疆界模擬作城池一套脣調舊千程足戒岐唯聞
鸚鵡嘯未見鳳凰儀拾飮而捃餽舖糟又啜醢山東發
厥說海內受其欺治亂原來往事物有盛衰英雄乍崛
起豪傑互扶持面目始可見清新自堪怡不妨真石礫
已厭假玻璃心境所儻觸腕毫得即隨璞玉從力琢彩
藻應才摘昧者縱瞋目真人為解頤花嬌春夏樹舌滑

高幽鷓出檻沐猴躍放韉天驥馳快共千載業雲盡弄晴曦

鷓哥歌

丙午秋觀鷓哥六種敷地祠傍其一即白鷓其一名達摩白而帶紅其一名巴丹白而黃能人語

其一名猩猩色與七毛相似其一名長尾綠色麗尤奇品

城東開場出鷓哥觀者聯翩肩相摩余亦奮袂追且隨觀場占得古祠阿竹箔蘆簾遮四隅竿上先掛數軸圖金翠光華傍射人翎毛不讓林呂徒守門奚奴貪看錢延客鼓舌又彈鬚入場者右出者左二三鷓哥互相呼其一遠來西洋海毛羽潔白雪肌膚恍疑世尊法華坐

海底龍女擎寶珠其次五色添紫綠吳綾蜀錦綴纏軀稱名達摩白且赤雪埋紅葩梅一株巴丹來者少帶黃玉冠鐵嘴異尋常意態閑雅能馴人相顧呼爺又呼娘猩猩不似海外獸滿身都含綵霞光窠後一種舉體綠短軀細距尾甚長鳳尾新芽舒春風蕉心纔抽折秋霜觀終欲出不忍出彩絢奪眼文與章衆鳥豈莫美而麗相較何啻上下林余意常願攜才藻燦爛如此恐擅場企羨不休徒踟躕須臾轉腸還斷腸吁夫鷓哥產隴西千百為群放飛揚一朝條鏃別鄉烟萬里漂轉海東邊玉鎖金籠非所禁唯傍主人轉乞憐不異遷謫天外客

無乃是罪毛羽鮮古往今來靜閱去高才妙文大抵然
君不見鶉鳩愚而醜兩嘆晴欣得天全
冬曰滿卿再婚戲贈合歡詩四首
翡翠衾空好再裁紫霞又瀉合歡盃恰同一箇金盃上
秋菊飄零冬菊開
簾外雪華堆似丘手關屏扇就溫柔自斯衾底無冰氣
一任湯婆賦白頭
朝來相幫整鈿紅日午蛾眉畫始終新樣自知殊舊樣
張郎手段彌精工
無奈門生來攪眠講堂強起攤經篇不須絳帳儲歌伎

別有新人一種絃

新婦善三絃

旗山集卷之二終

